

淵雅堂全集

淵雅堂編年詩藁卷十三

長洲王芑孫念豐

丙辰

元日四首

鳳紀年周甲

龍飛月建寅  
勲華瞻世運  
天地入元春  
兩旦靈臺憲  
重輪少府緡

袞衣新舞綵  
中外共尊親

訓政彌

親政先幾每

勅幾禮今隆授受統合付精微聞道

三朝寢猶

勤五夜衣

聖躬開九袞頤慶萬方祈

金鑑成編後璿璣在政初

龍樓方受冊鶴籙尚觀書謹履承歡篤勞謙惕愼餘定  
知光協

帝次第聽宣除

喜氣連雲瑞苗疆早晚平師中誰卧虎海上欲橫鯨吏  
法嚴肱篋軍容壯析旌何當起宗憲一試水犀兵

題朱茂才竹梧書屋圖

桐花打屋連絲雨竹葉捎窗料峭風  
定識歐陽常夜坐讀書聲裏一燈紅

故人魯絜非之子習之孝廉

嗣光

至自江西以吳

白菴廣文

照

所著聽雨齋詩集見貽集中有贈習

之作齒及鄙人因用其韻贈習之兼答白菴四首

吾於世莫附吾學亦無師著書了無成攬鏡覩白髭乃

公舍我去卒葬未及知繼之汪

大紳

與彭

尺木

斯文慟

吾衰風華春爛漫雨葉秋孤危時流競同異達士泯險

夷吾子辱枉存一慰平生私

學圃豈門場漢宋罔不宜要之必已出始以毋自欺乃  
公謹文律規矩高曾遺子今世其學益起恢大之河車  
誠灌腦清水肥玉池驥程不嫌捷鯢化不患遲但尋先  
士心勿亟當世知

爾雅如牛毛說文若芬絲拮據到場屋經義不可治誰  
能斤運風一手摧陷之嗟吾老行間辛苦羈生蟣逝將  
謝此去期子早及時發抒河嶽氣大放瓊琚辭

豫章盛羣彥比歲得介夫

李君如筠

英英圭璧氣潤此短悍

軀子來述吳君篤古謹步趨聽雨詩一卷疎松秀平蕪  
洗伐到毛髓欬唾亦自殊懷響有畢彈媿彼語囁嚅謬

承假餘論收采忘我愚黃鐘聲動地宵默非衆娛歸煩  
語吳君無憚賞會孤

題畫松

知是天台第幾峯疎陰濃翠隔重重何人結屋圖中住  
借我山窗一枕風

爲人題秋樹讀書幃子

掃翠峯巒欲過橋秋聲先到樹間瓢攜書自向窗前讀  
木葉空山亦護韶

爲人題晴川泛月行看子

我有楞伽水一區時時蕩槳泛菰蒲不知若撥晴川棹

似我石湖湖上無

榜發下第將謀歸計於雨窓運使阿林保遂爲津

淀之遊小住衙齋流連三日出所藏書畫觀之會  
運使所構適園落成屬作新詩雜成十首

雲出非無意風流別有真園林隨結構烟月亦清新政  
簡文書靜官閒吏佐貧獨攜邱壑趣商畧到星津

午風吹海國春雨篆仙房

園中有春雨山房

疊石留山勢疏池

學水鄉爲思成藕節不遣長魚秧韓子埋盆意塵纓濯

自涼

牀架綠沉管簾垂玉蒜條列屏圍芍藥臨檻補芭蕉銀

燭銷長夕金鑪護昨宵開門常獨自花氣在清朝

砌種辛夷樹流分丁字沽題詩因短竹流詠遍長蘆版

本書元宋瓊椎迹米蘇客隨新雨至

時方久旱子至適雨題跋坐

操觚

曲几剛鋪簟疎櫺祇拓紗雲留當戶樹月寫到窻花昔

夢醒吳會前遊記若耶導山圖卷在何處不吾家

雨窻雨遊

所到隨處築屋浙江之導山別館山東之小滄浪皆是

日暮登臺望清祠傍斗魁

園有魁星閣爲最高處

戴匡天示宿禺

茨地呈材鹽鐵經生議星辰洛下推使君原有筆還與

育英材

雨窻方整頓書院事



別院軒高榭除庭作廣場新聲歌爾汝小隊舞伊涼禪  
悅參琴操仙心入酒腸評花徵故事轉憶小滄浪

書但修鹽莢官仍判度支宣風雖帶職憫雨劇憂思素  
食邀賓處清齋奉母時潔華心事好未要外人知

夫婦將偕隱輕舟喚潞河聊思營鶴俸豈敢擬鷗波墨

竹分貽重珠林粲爛多蘭亭先有例待閒志經過

謂雨  
窻見

贈管夫  
人墨竹

倦羽歸飛急將離快盍簪從來懶投刺於此一披襟三  
日盤桓意千金脫贈心命題兼述事留迹後賢尋

自津門還京道中見螭子出地因寄方葆巖中丞

維甸 雨窓運使 阿林保

久旱土一白斜日照歸轡我行塵冥冥忽有黑到地掘  
蝻本

詔條奉行等兒戲來時曾未知咄嗟驟驚異爬沙互疎  
密計里已三四及茲始萌芽掃除力猶易憐農罔勤秋  
誰能語官吏廣文老羈孤此責幸不寄二公身堂堂手  
持經

國器雖今佐水衡愷悌甚淵懿旁皇禱雨心卜筮遍諏  
議大吏職憂民之蟲孰秉畀杜甫和春陵肯爲私美刺  
二公皆人豪忠告亦吾志

題洪穉存

亮吉

城東訪月圖三首

艤舟亭外舊停舟  
我亦曾爲踏月遊  
想見意行無遠近  
松風吹漏下城樓

袖中萬里黔山月  
珂畔三霄禁苑風  
依舊心情如畫裏  
只無餘暇似城東

華亭鶴意久蕭疎  
我欲東歸老著書  
圓泖他時能泛月  
抽帆來共喫鱸魚

送桂未谷

馥

之永平

魚山

馮君  
敏昌

憂歸未谷去  
吾亦觸暑東南奔  
男兒墮地不

自料生離死別烏  
可論未谷濡毫成  
絕枝不覺人書俱

老矣五十一第書萬言六十一官身萬里萬里坐看成  
咫尺豪宕從來好奇迹已知撫字同河陽先訂歸來似  
彭澤雞足山高插天漢瀾滄江水流如箭永平南接阿  
瓦城騎象花苗來緬甸令君爲政極神明政暇能爲釋  
詁文還聞立壁常千丈更好摩崖寫八分祝君強健收  
身早瀆井家園足娛老故宅重栽五畝桑別業忽增千  
樹棗我今已作投林翼別後相思渺何極珍重臨歧贈  
印心鷗波舫上看題墨

未谷爲書瀕波舫三字並以所用泮宮文學小銀印及文學祭

酒一石  
印贈行

### 出京四首

勲華際元會函寓萬物春  
鄧林息羈羽滄海迴窮鱗  
微官迫王程喪去及此辰  
京居十三載席帽棲黃塵  
新辭四門館生徒感離羣  
昔聽大昕鼓課藝留成均  
竊從後車載年年扈

時巡卷阿第嘉頌賡拜時  
亦頻慚惶文綺

賜被此褫褐身自喜文字  
間一心傍

楓宸矧叨特奏科獲厠觀  
國寶終然躋場屋孤負

拔擢恩天祿森寶書中有  
揚雄文如聞

慶霄上欲取輝星雲相如  
曾莫薦

臨軒想其人杜陵去京闕  
尚懷辭大臣況今

天子聖日月重光輪隨輩敘年勞祿宦依鄉枌于臣分  
已足斗精資養親無奈平生心翹首丹鳳闕逝將矢報  
答講問職業勤撫已思邨原絃誦安海濱

國家用科第百有六十年巍巍十餘公經濟起後先龍  
門浪如雷寧免隨魴鱸拔十偶得一取償計賅全簸揚  
出糠粃未害精粳堅易科豈異人妙語非周旋賢網收  
八紘脫漏則其天方舟江永徒埋憂久黃泉儒官劉大  
槩著書老青氈其人誠至少其文卒流傳指量就當代  
落落不數賢濫竽須衆吹特磬乃獨宣未可隱逸論難  
免軼軻纏鄙生身不幸十上成棄捐偶遺科第外肯咎

科第偏升沉有其柄寡劣昧所緣百年付時命風霜意  
孤懸

盛治方右文宗賢好親儒東平與河間爲善樂有餘公  
卿本寒素衮衮承明廬次第數十年積階到鈞樞榮名  
翼台鼎辛苦把細書退接文字流孰講應奉需累陪南  
皮譙久忝東閣居蘇軾下李豸永叔薦聖俞人事互參  
錯數竒一嗟吁今茲別諸公慰勉煩呵噓翻羨粥飯好  
之官有鱸魚吾王惜其去鄭重欲攬袪贈之物便蕃揮  
涕卽路衢王其崇令德以爲

國球圖諸公慎自愛白髮康濟軀人材在天下護惜須

將扶范韓與姚宋今豈不古歟後來有英拔無俾墜泥塗一士何足道不材况區區

布衣諸昆弟聯翩起登

朝范雲忘年友李邕折輩交生平所託契海內皆賢豪  
屢遷窮巷居長者車轍勞來求夫婦書襪材費縑綃或  
持所脫藁商量定推敲從來性鯁峭耿耿氣未銷有口  
如懸河觸處生怒濤謬承不瑕疵見謂真趣饒又謂世  
孤立顛愚異華鬘片楮輒褒治一文遞傳鈔妄云震川  
窮未許元美驕烏虜言之過捫腹慙虛枵借車赴花約  
割宅安茶寮孩嬰互提抱妻子相招邀有酒卽開樽有



肉卽繼庖淋漓到酣適詼諧雜譏嘲其樂忽忘死千秋  
視崇朝一官乍驅去浪浪各霑袍贈言當贈策哀宕追  
風騷涸魚潤吐沫典衣助錢刀裘從身上解寶劍脫自  
腰欲行不能行劇飲連數宵敦勉從計偕後期訂堅牢  
吏隱未可耽期君共雲霄君雖謝名譽衆望那可逃烏  
虜我何人諸君誼誠高腸痛無可言黯然上征輶

附  
贈行雜詩

高密

王寧焯

直隸

冷官薄俸驅君去前輩飛騰四海空當代文章惟汝  
在何人感激復余同萬家煙火津門渡一片帆檣淮

泗風莫道華亭鶴，唳好王音或解薦揚雄。

遂寧

張問陶 船山

簡傲今誰似斯人，卽古狂時名參毀譽宦迹半行藏。  
絳帳尋高弟，青山近故鄉。海雲飛不定，何處哭文章。  
伉儷才雙絕，華顛並早衰。有兒勤夜課，無婢給晨炊。  
世大孤行易，言高直道危。古人時狗俗，風度願委蛇。  
志苦名心退，奇詩悔不焚。妄言幾誤我，諍友僅逢君。  
官冷聊充隱，塗窮莫賣文。交期爭萬古，何用惜離羣。  
介休

劉錫五

澄齋

獻賦金門又一時，歸來心事落花知。蒼茫忽憶元丞

洪羽室集年譜卷之十三  
相尚解臨歧惜退之

陽湖

洪亮吉

稗存

前身本是華亭鶴却向由拳官學博津門南畔買孤  
帆欲向築耶城外落作吏差堪不折腰倒持手版說  
閒曹他時經閣攤書夜莫學揚雄作解嘲

靈石

何元烺

硯農

當代操觚士如君有幾人筆真堅似鐵力竟大于身  
憎命難教達多文不厭貧扁舟歸故里浩蕩五湖春  
末俗輕貧宦誰知報稱難君方堪訓士世敢薄儒官  
嚴肅皐比座蕭條苜蓿盤諸生勤問字未覺一瓊寒

况復攜嘉耦飄然梁孟俱吟詩箋共擘寫韻筆同濡  
皮陸閨中具機雲膝下趨興來謀斗酒還饋四腮鱸  
獨有離羣感淒然在我曹幾年同炙硯此夕送征舫  
日下風流減雲間夢寐勞前途須努力早晚召枚臯

靈石

何道生

蘭士

科名果何物竟爾困斯人失意五湖去浩然歌采蘋  
長松飽霜雪纖草門陽春觸熱江行苦思君一愴神  
官冷亦無恨所嗟素願違從來飛動意豈爲稻粱肥  
古道何寥落傳人爾庶幾且堪充吏隱三泖有漁磯  
知交予默數直諒似君難冰雪照顏冷雷霆入腹蟠

何當逐歸擢渾欲插飛翰善保千金體相期共歲寒  
恨極翻成羨華亭樂事多湖山猶鶴唳夫婦況鷗波  
風雨龍吟嘯烟雲海盪摩五茸城畔路懷古儘高歌

漚波舫歸興二十四首

有序

余旣得方葆巖中丞阿雨憲都轉兩人之助又承  
輦下王公及臺省館閣諸君并故人之在外者相  
與飲其歸裝宿逋具了僕賃粗完因遂買舟以五  
月廿七日攜婦子登程風帆順利六月二日至于  
津門葆巖方扈 蹕熱河獨見雨窓屢醉其春雨  
山房越三日復行此行雖若有不舍然者然余故

裸身來十有三年得灑然無累以出于崇文門諸  
君子之誼可不謂厚乎船窓點筆感別懷知時時  
有作稍次錄之曰漚波舫歸興云

輕程七十潞河濱已是江湖浩蕩身回首諸公京闕底  
猶將烏帽抗黃塵

江山風月人依舊官職聲名我本無留戀却緣同調在  
傷心此別幾踟躕

奏名曾自上螭坳臺閣文章幾代庖今日飄然湖海去  
累他揮涕只窮交

元相當年惜退之多緣結習愛文辭

劉澄齋贈行詩中有蒼茫忽憶元丞

相尚解臨岐惜退之之語于今宰相風流極翻羨微官粥飯資

原來李豸非科舉轉愧劉蕡負屈聲正使挂將朝籍去  
不知何益玉溪生

錢逋易了知寒儉文債難償覺苦辛坡谷當年俱落魄  
不聞攜筆更求人

眼前新輩皆河漢老去同年卽弟兄

家儕嶠贈句

三復吾宗

好詩句誰將本事注分明

安能老大更求科過去風華春夢婆他日故人來訪我  
楞伽山下一漁簑

打鼓開船卽首塗布帆無恙狎鷗鳬輕風五兩波三尺

送我歸心到五湖

船窓雖小亦行齋几榻圖書左右排案上贈行文二首

謂吳穀人石琢堂 故人相伴不天涯

漚波一舸載歸衰老友留題筆法蒼

謂舟中所懸未谷分書漚波舫三字

畫舫齋中親作記君謨未必識歐陽

謂余自作漚波舫銘

蠡殼窓明更拓紗孺人稚子載全家生平不盡三蕉葉

共笑先生醉墨斜

待聞蘭亭跋幾巡子昂不載管夫人錦囊墨竹剛貽我

著句來朝到析津

謂雨窓所贈管仲姬墨竹

琴薦書牀雜鏡臺津頭關吏屢疑猜高官大舸尋常有



此地曾無此客來

藥鑪經卷自清便寫韻今番了夙緣不及新興偕跨虎  
路人誤擬作神仙

故人持贈幾琅玕漢瓦當兼欸與端載硯何如空載石

壓袞還勝鬱林官

余攜硯二十餘枚故袞齋頗重

柁樓晚飯買邨蔬潑刺銀刀脫網初便覺水鄉滋味好  
此行原只爲鱸魚

二何

硯農蘭士

與我太纏縣割宅同車忽幾年今日阻風中

酒意寄將清淚入吟箋

丁字沽前暫艤舟使君

謂雨憲

邀我醉清謳周

小瀛

韓聽秋

崧  
况是平生舊更賄詩牌當酒籌

萬家燈燭西津路三日琴樽北海筵豈有文章堪結契  
此中香火亦前緣

雪藕冰桃喚侑觴舞衫歌扇擅當場秦淮志夢詩成後

又遣斜行到海棠

時有歌兒海棠  
者出扇求詩

甘從杜老依嚴武無奈台州待鄭虔不是一官驅我去  
水西便築瀼西廬

志和舊是烟波客海嶽今惟書畫船貰酒不須尋水驛

舟中已有酒如泉

雨窗貽  
酒甚富

疎簾清簟借清涼欲去勾留又夕陽航賞豈惟池館勝

此公心地卽滄浪

醉中別雨窓却寄

水驛貪程昧昏曉  
攸關逕過津門道  
中丞未歸運使在  
遣騎相邀五六輩  
天涯一見成故人  
老妻稚子俱情親  
官衙潭潭好結構  
清尊妙舞娛長晝  
冰甌泛乳融雪花  
綠韝傳粉嬌紅袖  
中飲忽看頭上黑  
暮天欲壓雲陰積  
遷坐一時風竹亂  
瓦溝珠雹拋金彈  
雷車碾雨雨挾風  
射潮萬弩翻龍宮  
金支翠旗恍出沒  
一快鬱積平生胸  
由來壯觀皆空際  
已見晴虹挂迢遞  
人生感激須意氣  
醉裏蒼茫迴揮涕  
天下賢豪孰重輕  
眼中卿相多科名

甘教老死向邱壑猶能歌詠尊

朝廷嘉勇郡王上箕尾弁山尚書今老矣買絲澆酒繡  
平原海內如公復有幾來朝解纜辭公去白鷗導我滄  
江路柁樓酒醒渺烟波斗落天高不知處

曾賓谷運使

煥

招飲題襟館出示所藏文信國綠

端石蟬腹硯屬爲作詩

昨來盜刈襄陽麥縱火晝燒呂堰驛生平四海一子由  
化作重泉萬年碧道聞消息幾蒼黃驚定纔知到蜀岡  
使君迎慰留同飯示我琅玕厚扶寸云此流傳信國公  
近從漁網出龍宮謝翺銘字分明在蝕畫稜稜捫有鋒

當日從容陪象戲豈知倉猝旋捐棄海上縱橫死土墳  
舟中慘澹勤王幟草檄常隨玉帶生濯波屢灑銅仙淚  
正氣歌成硯不隨西臺記外寓深悲六陵烽燧今荒土  
半壁江山舊夕曦惟餘一片洮河石色映冬青樹上枝  
隨園詩老剛收得脫贈南豐託奇特乍逃魚腹謝波濤  
卻來鶴背供烟墨南豐好古親圖史公餘援筆爲題紀  
每逢佳客輒傳觀應和篇篇各清綺我持此硯獨歔歔  
忠孝翻爲死喪機文山雖死猶存硯我弟曾無一髮歸  
鵲鴿原上行搖處夢裏空回慘綠衣

爲同年胡香海進士

森

題元人宮娥乞巧圖

銀河絡索垂天半秋心先入宜春院烏鵲無聲夜如水  
青鸞駕得仙家子乞巧相傳自漢宮穿鍼相約會樓東  
畫衫鈿扇三更月霧閣雲窻一面風風露添來鴛袂寒  
隔花漏鼓又闌珊不知此夕長生殿正與何人共倚欄

歙鮑氏慈孝松圖詩爲鮑肯園封君

志道作

歙鮑氏當宋之季有名宗巖方避地地曰龍山逕幽絕  
子壽孫者捧履侍賊來如蜂抑何驚驟遭宗巖加扼掎  
縛之松間露肩臂磨刀霍霍挺其秘宗巖不撓了不惴  
男兒死耳寧有冀我甘齎割爲汝截願留我子孫我嗣  
壽孫聞之悲且悸踰陳于賊滂涕泗但願釋爺歸復次

我瘦代供雞鱗爭死如爭曲繁賜賊兩賢之遂俱置  
一松柴立儼不啻貌出宗巖挺然志一松蟠屈如有覲  
寫得壽孫祈請意橋耶梓耶互軒輊地靈載之草木瑞  
後世作堂旌厥義是曰慈孝堂有記元揭傒斯爲之識  
更六百年迹湮墜雙松龍蛻無留翠族孫志道尋所自  
稽今援古本末備畫圖無恙留松吹從來仁孝有詒被  
孰云盜賊不可治太和肫肫化澆獍繫我披圖淚盈眚  
一昨襄樊賊烽熾嗟予季方試爲吏懦帥執水慣兒戲  
獨張空拳怒一騎火中成軍屢擊刺發憤結纓身死事  
血衣不遺留枯趾我飛欲往恨無翅君家福德果淵懿

篤惟孝慈錫爾類子子孫孫永厥施倉皇遭賊事非異  
一死一生迴殊致幸不幸間興與躡美譚考信後來示

到家四首

歲逢鄉閭士苦訴食難營薪芻價三倍任恤非故情今  
來虎邱道滿耳笙歌聲誰爲牧民子與民樂昇平處處  
官河傍橋柱書縱橫大書更深刻奉憲稱放生

吾家城解門素非闌闔區衡廬半迷誤城血臭積滲入

巷轉偃仄三逕慨就蕪往時藤花架壓倒織簾居

余書室舊

名牆頭出高樹乃是手種梧安能遽葺治老屋日可虞  
別母十三年所喜顏面好攜來兩童烏繞膝覓梨棗一



笑老人懽解裘事草草弟婦久獨居亦喜見阿嫂欲招  
國殤魂對面不敢道但道信未真私心怒如搗

親賓雜然來少者都不識推尋問某某旋忘了莫憶所  
訪意中人墓石久已刻幸存皆白髮相見歎筋力當時  
愛老蒼今日足悽惻還鄉亦何爲轉令意墨塞

石湖掃墓四首

有序

乾隆甲午余年二十仲弟聽夫往從家大人館于  
山左余獨與故處士吳江朱筠士純擇地卜葬先  
大父于湖上之楞伽山塢其土石皆自營治其松  
柏皆所手植今去家十三年復來其土石工作經

家大人營改而手植之樹則皆拱把以上矣墓旁  
舊無隙地今以次廓之葬季弟約夫于旁余前婦  
徐孺人匱亦厝焉撫今追昔慨歎成詩

記得離鄉日松楸似我長今來翹首望風雨暗蒼蒼宿  
草荒新塚枯藤滿故牆廿年心有待猶未表瀧岡

拜墓傷心極當年望亦奢科名仍偃蹇憂患轉交加薄  
宦猶貧士儒官亦世家到今差自憫捷逕免奇衰

先大父由

舉人爲教習後官  
教諭余所歷皆同

同產有三人茫茫我一身傳家舊忠孝兩弟各霑巾季  
也尤先逝墳成累老親醉觴憶前事遺篆篋中珍

憶出門時

季弟爲余刻一小印今猶在篋

葬汝知何日新人又老蒼艱難幾風雨先後共糟糠曾

結三年綬須同百歲藏莫嫌非腹出有子奠椒漿時攜二子

酌酒前婦徐厝所

過楞伽山房有序

二十年前營葬先大父宿山中一夜大雪聞治平寺叢林折竹聲攬衣遽起一白際天松杉點黑湖山奇勝慨然有他年投老此中之想後在京師嘗以語石菴先生而求書楞伽山房四字又數年家大人書來言以三百千買一屋山下心竊甚喜今

至其地觀之屋小傍無隙地可種花藥然其後有  
水檻三楹東面山勢湖光踊就窻几如讀畫焉余  
方倦遊計不能別有所成將遂卽此廓治懸先生  
之書以爲菟裘而力未能也姑爲詩志之

投老楞伽託一廛此心誓墓廿餘年重來宰木渾無恙  
小有團瓢得自然東面菜花西面樹十分湖色二分烟  
何時飽飯真歸隱更買烏犍學種田

次韻和熊謙山方伯

枚

虎邱八首

宣風攬轡厘民艱吳會繁華最此山銷夏嬉春隨處好  
晨懽宵讌幾曾閒從來遊手名無藉獨有纏頭例不慳

贈勺貽椒徵故實尼山當日未能刪

斜隄一帶接胥閭風月家鄉况醉鄉  
平底畫船如畫閣  
半腰山塢卽山房酒從野店尋常貰  
花出名園分外香  
不是吳兒能解事定教僮估負烟光

賽會先春乍掃寒遊人蟻聚路蛇蟠  
紫釵浮梳新分茗  
青蕩籠泥到販蘭佳日尋芳追昔夢  
隔宵殘醉廢朝餐  
神祠佛院笙歌遍黃面瞿曇笑瓦官

青帘白舫逐時增勝賞矜奇得未曾  
處處水烟傳福建  
家家茶食冒嘉興銷金樣賭機花巧琢  
玉人誇楮葉能  
腰鼓十番終夕鬧牙樯燈慢歲頻仍

吏果能貧聽斷聰竹枝詞好唱玲瓏人來殘月曉風外  
身在光天化日中太守文章誰白傳令君寬大要馮公  
花田卽是桑麻地術自齊民講執工

儲粟曾無十日藏民開夜戶撒周防肥羔薦味憐新出  
瘦馬爭妍謂不颺繁盛果宜推此地質遷無奈倚他方  
東坡却禁團花會條教精嚴法自良

廉訪威名竦豸冠宣藩敷化又移觀蹊田有禁農棲畝  
騎屋無驚士考槃頌橘抵封千戶貴種花仍許四時看  
領將豐樂亭前意方見歐公識量寬

歸來松鬢亦蒼髯舊種花枝已拂檐累載更張觀吏治

幾分貧薄驗民間俗難驟易先敦樸政不容奇且尚廉  
強韻勉賡兼詠德硯池餘潤滴金蟾

沈湘葵

沾霖

吳秋鶴

友松

吳竹虛

履

招同徐惕菴

員外

大榕

集飲拙政園三首

南來一醉亦難求池館今朝抵勝遊此地登臨足前輩  
吾儕嘯詠趁高秋懸厓絕壑新開逕黃葉青山總上樓  
况有吳生擅場手

謂竹虛

淋漓四壁畫滄洲

霧接烟垂故墨斜

園有吳梅邨書烟垂霧接四字

梅邨曾此詠山茶牆

雖有缺剛銜月石不知頑卻礙花水與天光相澹永樹  
如人意只槎枒藏鈎未見雲藍袖隔巷空勞響鈿車

秋鶴翛然鶴在霄東陽瘦盡轉清超連翩共出蓮花幕

二君皆館于謙山風物渾如阜茨橋寒味楂頭鰕縮項新香釜

底米長腰一官瀕海吾當去他日相思不易招

### 到官四首

松江本鄉郡及是至以三寒蟬叫衰柳舊事孰與談故

家張與王高門甲東南秋潮三芝館古梅法華盦吾嘗

觴其家酒器金銀參乾隆戊子己丑閒宛平鍾太守光

先大父及太守之父故禮部員外郎鍾勵暇先生晚遊

張氏梅園王氏賜金園其時兩家猶盛僕從如雲杯棗

多用金銀近聞拆屋賣斥棄無一簪盛衰炊黍間邯鄲枕方  
酣俯仰覩今古吾茲髮鬢參



此來翻大笑其名號爲官古之文學掾聊作抱關看學  
舍屋打頭敗瓦欹壞欄蔽翳墟莽中苦竹三四竿荒荒  
若墳園點染夕照殘非無羶坐客黯憎成暮寒出觀諸  
祠廟懷題隳黃丹士風從可想遑問朝日盤

弟子三百員胡寧莫爲詩逡巡拜于坐皆言習文詞所  
讀爛墨卷熟此將奚施醜縷古傳記先生直予欺叩之  
今

令甲又以未學辭不憂學不殖但訴身寒饑而鄉有先  
達煌煌樹風規懷哉陳子與夏仲九原知我悲

校官亦何有所食惟學租卒史古百石今且三倍餘大

吏覈名實剔釐戒侵漁治之有司法顆粒歸公糈應官  
撥遣外媮取供百需計較向毫末火檄徵簿書名爲博  
士屬其實古嗇夫到官便思去吾非斗筭徒

寄題唐陶山大令

仲冕

船入荆谿圖

我歸自北心轉孤江山縱好朋儕疎馬曹牽馬意不適  
諸君爲我言唐衢唐君一第亦何有倒持手版雙鳬趨  
天生詩骨未磨滅往往句法如髯蘇學蘇之詩識蘇趣  
吳生爲寫荆溪圖荆溪邱壑果大好無田亦欲謀精廬  
雖然君宰山水縣垂虹秋色尤清舒

時君已移知吳江縣但得一

船載風月不論射鴨兼魚人生何處非陽羨善卷玉

女吾與俱老坡有語君定記隨身寧極無常居此圖分  
布甚蕭瑟落墨雖少意有餘知君正困赤望緊我自腰  
硬非時需醉中化作華亭鶴要逐雲將去聲遊江湖猶然  
鍛羽置一處履苔啄石將安如

淵雅堂編年詩彙卷十四

長洲王芑孫念豐

丁巳

正月江陰道中柬金匱訓導趙開仲

基

十載塵沙傍九衢聽風聽水又江湖依然老僕攜書橐  
著我扁舟載藥鑪歲例新年聊復有鄉關同輩已全無  
來朝小泊龍山下試訪高陽舊酒徒

上元後三日攜婦孺至華亭定居漚波舫四首

序

華亭學舍不可居遂以三百千典一屋學宮之後

其中有版閣子因以未谷所書漚波舫三字牖之  
而作詩焉此中教職舊多聞人明初御史袁海叟  
凱爲之訓導明末蘇松巡撫楊龍友文驄爲之教  
諭其後省訓導員不設獨教諭在耳縣志無海叟  
在任年月或云嘗有是命而未之任然華亭故海  
叟生平所到海叟以白燕詩有名後人爲作白燕  
菴人今其地已沒雖好事者復之而非其舊矣龍友  
以崇禎七年任此以騎射教諸生作養賢之堂今  
問其迹亦無在也自龍友後越百六十年而後余  
來官此不知異日四方賓旅渡泖而至稽尋文獻

其謂余何如也

本自無家具翻來買屋廬紙窗安古硯泥壁拓新書庭  
小居無竹鱸香食有魚此中閒亦好寫韻意何如

板閣真如舫漚波亦可名參差幾花盞位置小茶鐺杜  
老癯西句坡公海上情渾忘身拓落漸已見浮生

袁

海龍  
叟楊友

有先躅繼我恐難堪記曲桃花扇稱詩白燕

菴風流徵故事忠孝果奇男官職尋常在嘉譚孰與三  
曾聞浣花屋亦有仲宣樓落日過行旅荒江送古愁樓  
遲從八口憑弔付千秋後有悲歌者藍田迹可求

陳古華太守

延慶

出示故尚書張文敏仿王穀祥

墨梅畫幀因用幀中周天球題韻一首

有序

曩在京師見文敏扇頭墨梅自署長卿二字後有  
詩云憶得丁香花下坐孟光索我畫梅花畫成却  
與桃根去此日桃根憶露華自署壬寅三月十三  
日長卿重題想見文敏當時閨中情事今吾友古  
華以此幅見示又多作仿本分求並世士大夫題  
詠別以其一屬愚夫婦著題內子墨琴旣爲臨文  
敏細書四百五十二字於幀首而余亦用周公瑕  
韻系之以句云

曾看題句爲朝雲扇底梅花筆有神我與孟光偕讀畫

江南又見一枝春

秦小峴觀察

瀛

專足送茶筍至作詩報謝兼致近

懷

塞門昔食黃耳菌同向家山憶茶筍君行先入茶筍鄉  
肺肝飽受風露香我嗟齒脫還鄉國煮玉堆盤不能食  
世間惆悵那有此宦寺偏逢彼姝子松江潮上濁如泔  
尋常建薺薑芽參苦防水厄患中滿乳花圓嫩空浮椀  
平生耆好君所識今日拜嘉成長物聞君齒髮尚堅蒼  
人事烟雲幾飄忽一昨訛言又參錯海防不謹風濤作  
久看平地穴狐狸忍遣長虬挾蛟鱷君擁牙旗坐上頭



區區闕稅何足憂鹿門荆川科舉流慷慨猶欲乘桴浮  
知君有守還有猷丈夫自具斬鼉手那能汨沒隨悠悠

家秋塋大令

復

以嘉慶元年九月與黃小松

易武

虛谷

億

爲嵩少伊闕之遊尋碑選勝作圖紀事其

年十二月往求孫淵如

星衍

篆題其首明年五月

以書抵余華亭官所求詩

生平濟勝苦無具僵卧甕牖如蠶眠九峯三泖衣帶物  
坐隔霧雨如天邊忽漫打門有題寄龍門伊闕來吾前  
吾家令尹老簷屨部下山水雄且妍脚躡手板了不困  
能致二客寧非賢高厓長谷勢開闔瓊花瑤草光新鮮

昆都侖水黃界地古陸渾火紅燒天奇懷正逐秋興發  
秣馬逕往聯鞍轡仙局森沉蓄靈閼從僣包裹攜椎氈  
瓦棺篆鼎遍搜索斷鉤蝕畫爭摹填攸緒早存邱壑志  
虛谷魯直慣注蟲魚篇松小洛下迦藍補前記嵩陽石刻增  
餘編侔來以圖要著句不遠千里馳封箋我無薄領自  
蹙縮君宰繁劇翻清便何須較量問才地只論胷次區  
霄淵側聞秦蜀頗有事羽書旁午從三川楚氛沿江飛  
礮石豫州錯壤橫戈鋌雖經勦殺鳥獸散尚爾團結蜂  
蟻纏嗟余季爲國殤哭歸魂血面爪透拳三塗太室古  
阨塞公等那得心飄然詩成火急遣來使引領北望空

雲烟

繡佛幢爲金貞女作

有序

金浙江鄞縣人女字于黃未嫁而夫亡守貞不改  
字依其舅姑以居發願作此幢繡羅漢五百尊于  
上高一丈六尺廣倍之凡十二年乃成以嘉慶二  
年施杭州之昭慶寺好事者爲求此詩

天人出沒同一漚愛河不塞滔滔流  
嚙彼雲漢星女牛  
鸞鴛在梁雎在洲木枝連理花並頭  
怨耦嘉耦羣匹仇  
無量歡喜生煩憂我佛普化四部州  
應真飛錫逍遙遊  
解散四大驅忻愁  
光音眷屬願悉酬  
莊嚴夫婦雙清修

而亦斷斬恩愛由優婆夷塞如禿鶯毘尼有鄉換溫柔  
拔除愛根如決疣有鄣寒女悲其迷納徵請期吉未諏  
芝蘭欲蘂風霜適洗妝而髮鬢賁棗脩穀則異室死同邱  
月圓孤照翡翠幃姮娥娟娟共清秋繡牀銀翦裁綺紬  
寡女絲向獨繭抽五紋添線心綢繆繡爲寶幢綴綬旂  
其廣三丈鸞梭投尊者五百貌不侔或跣或袒露臂襦  
持鉢負杖偃且僂降龍伏虎踏蛟蚪一一飛上穿鍼樓  
慈顏滿月垂髮髻卷鬚突腹臙鼻齟窮形盡相巧雕鏤  
秋豪都向鍼孔收經星廻環十二周曉鐙熒熒夜更籌  
唾絨遍滿簾與簞歲行彊圉日在婁施之名山絡珠球

沙門竺法真詩集卷一四  
昭慶利竿丹漆髻四衆來觀爛盈眸以是功德種福疇  
嗟世熱惱煎膏油甘露濡灑百疾瘳一幢引渡苦海舟  
普度有情諧匹儔曼陀羅華天雨稠淨因勝果超悠悠  
好事傳說東海陬我爲作詩識其繇

漚波舫齋雜興六首

庭鶴

鶴非庭除物子子行于庭蟲蟻素不食啄苔瘦伶俜羽  
毛猶自惜對影梳其翎平生萬里心翹然望青冥寧嫌  
俸糧薄妄冀肥子形所懷珠樹棲驂鸞傍仙靈太倉非  
吾志而况粟覆甌荒黃半庭月夢與梅花醒

籠雞

隴鷄啄香稻縻之以雕籠俊鷹繫奇骨金縹綴紅絨嗟  
雞汝何爲雜沓鵝鴨中勇鬥誠未衰膈膊難爲雄編筠  
入籠罩天光覩玲瓏空峩頭上冠錦臆久蓬鬆終朝困  
俛仰得失爭一蟲舊時連棲翼噉旦蓬萊宮

盆松

孤松拔霄漢風雷戰高危屈身盆盎中猶帶岱華姿剪  
拂登畫堂種之紅玉瓷硯屏金博山牕陳几烏皮移來  
軒墀下蟻蠹穴流脂蒿蕭傲其傍珠露罥蛛絲隣牆銀  
杏樹垂憫低其枝謂將芘芘葉蔭此蒼髯髭

瓶花

何以媚幽獨案上花扶疎  
膽瓶受清冷護養兼萼跗  
寄命此一勺等諸沆瀣濡  
與君永今夕來歲將何如  
飄零蓋其分抱香戀斯須  
猶然挺楂枿無奈遭剪除  
當時雨露滋豈甘耳目娛  
誰能更栽植枯株長根鬚

壁鐙

華鐙夔豹膏懸向玳瑁梁  
便同藜火杖天祿輝琳瑯  
愁置牆壁間碧紗巧籠張  
未堪照歌舞奚從映縹緗  
鑿隙雖有餘笑謝繁卧長  
煎熬諒同盡敢期耀奇芒  
願隨時燭燁彼增微光庶  
俾投闇人夜行免扶將

階石

石生本礧壑天教性峻嶒何妨稍奇突聽纏千歲藤可  
憐久樸斲次第摸其棱旣成作階砌踐踏積幾層下臨  
莓苔滑上與檐溜承願將堅頑質磨礧盡所能縱無扁  
石姿未堪王履乘猶當奉雕鐫文章似韓陵

題畫絕句三十首

梅花

橫枝疎瘦只如無。一鶴空山傍月孤。僊骨素風人不見。  
祇將冰雪頌肌膚。

山茶



破雪先看幾點紅  
寶珠應在佛拳中  
冬心寫向風華處  
松竹之間小異同

蠟梅

楂枒老樹出芳新  
凍壑偏留隔歲春  
閱歷冰霜原有味  
世間嚼蠟恐無人

天竹

蹉跎歲宴孰華予  
也有珊瑚樹幾株  
虞令不來求赤箭  
枉操玉札守丹鑪

水仙

綵雲一剪畫屏前  
夢落江湖水接天  
霞帔風裳人縹緲

熏鑪裴几坐纏綿

蘭花

操琴渺渺想遺音空谷無人更解尋  
疏到離騷講同異何曾識得斷金心

杏花

慈恩惆悵馬頭紅歸卧江南煙雨中  
綴勝簪花須少俊渾思賣藥種春風

桃花

天台一別幾經春夢斷游仙莫問津  
前度劉郎流落久紅塵撲面只隨人

牡丹

清平三疊醉新妝  
風俗重教譜洛陽  
富貴從來天付與  
相公何苦進姚黃

海棠

梅花曾未見騷詞  
汝亦無緣入杜詩  
靜女高人古來有  
不將名字與人知

芍藥

曲消餘聞尚可尋  
翻階有句費沉吟  
但將金帶傳佳話  
孤負歐王一世心

紫薇

天邊曬月玉階虛  
爪倩麻姑癢未除  
老我花前塵夢在  
一時絕倒不中書

虞美人

綽約身材宛轉腸  
好風扶起又斜陽  
美人自是英雄伴  
未合低頭向米囊

鳳仙

安能學舞傍山雞  
砌角牆垣露影低  
萬里桐花消息遠  
託根何路免卑棲

郁李

郁樸平量見論衡  
來禽帖裏舊知名  
不須箋釋爭唐棣

無限鵲原日暮情

翠雀

蘭若翡翠仙遊戲珠樹青鸞世羽儀  
小草豈應無遠志不鳴不躍寄人籬

秋葵

黃散何妨屈此賢戎葵未許鬥清妍  
却憐身似秋風客依舊心情在日邊

桂花

金粟霏霏點畫欄露盤秋老未還丹  
曾經月殿吳剛斧猶與人間耐歲寒

枇杷

粗枝大葉莫嫌渠  
甘露含漿晚翠餘  
多少文人消渴在  
一丸乞與午風初

茄

飽露含腴綴實稠  
夏畦雖病不曾憂  
人間青紫原隨地  
莫笑膨脝此一流

百合

甘苦中分意味長  
憑將玉葉化瓊漿  
從來與世齟齬甚  
就爾商量益智方

藕

無多節目轉玲瓏  
益閨還隨井上桐  
會向玉盤呈潔白  
肯緣埋沒訴泥中

蓮蓬

開花結果一漚中  
曉鏡朝朝見墜紅  
身世本空心自苦  
摧殘何必爲秋風

菱

幾稜秋烟劃蕩田  
水牙生脆破紅  
鮮剗除芒角應難事  
誰與磨成芡實圓

扁豆

豆棚深護夕陽寒  
瓠葉瓜華共薦盤  
我輩只憑風露飽

不愁無物辦朝餐

木瓜

宣州風物記當年充貢叨塵玉案前  
今日芳馨欲誰贈先生木強故依然

橘

林屋經霜摘曉晴酸寒略自有生平  
東坡只讀湘纍頌未領中間對奕情

芋

玉糝調羹補食單齋廚苜蓿未闌干  
十年宰相渾閒事嬾向鑪頭問嬾殘



紅蘆菰

山田酥潤土膏肥向老方知辣性非  
野服尚虞身太潔聊思渲染著紅衣

柏子

已覺胚胎是棟梁試將投火爆新香  
禪師一句留真偈無奈盲參遍十方

唐陶山大令

仲冕

來署川沙同知中秋有詩枉贈

次答二首

虛堂不見一鱣銜蓬藿遮門也莫芟  
奇字漫臨朱草帖新涼先到紫蕉衫  
閒曹偶趁晨衙鼓好客剛停夜浦帆

傾蓋便應同故舊。相思隔歲有封緘。

檢點晴窗各幾篇。商量冷暖話蟬聯。鶴心天外猶思舞。  
蝶夢花前未肯圓。君不沾泥辭澣濯。吾惟懸棧敢嘶騫。  
冗官聊得偕疎放。挂笏西山記昔賢。

再登前韻荅陶山留別二首

詩成須遣鶴頻銜。草草何妨句不芟。老我尚憑三寸管。  
祝君早脫七觔衫。宦塗況味溫涼玉。人海聲名上下帆。  
且可當杯笑開口。只除飲酒莫牢緘。

雲霞聚散記清篇。好夢游仙斷復聯。吾輩寸長安問尺。  
下官方鑿郡投圓蚓。雖食壤難辭槁馬。欲騰槽不受騫。

寄語素交誰念我朝朝畫粥擬前賢

寄陶山以詩代柬

微官終日常低顏坐曹那在劇與閒閒中頗憶六幕生  
陶山自號警欬未接心先傾思君不見癢搔疥邂逅逢之此  
一快我尋君舟君過我無酒相溫作茶話詩成遣送藁  
不削呼城已下城門鑰齋夫廳卒走相語吾官旣癡客  
尤惡自古神仙足官府何況飛蚊聚塵土妄思媮食蝨  
其間滿腹雷霆暗不吐君誠式玉德悄悄我亦攫醪無  
絃琴破除腰笏孤耿氣蕩掃寒氊抑塞心乘潮打鼓趣  
迴船冷齋茶熱心茫然君行三日意何似缺月已減前

時圓

倪米樓上舍

稻孫

來過華亭以家椒畦

學浩

所寫

高山流水圖屬題

吾居海濱意蕭然海天漠漠雲聯絲紙窻鳴秋木葉下  
無琴匪啻琴無絃跼然有客朝過我袖底探出雲霞篇  
清響扣成哀玉脆餘波繞作隋珠圓世間久絕廣陵散  
坐覺高山流水來吾前圖中賦墨致森爽問誰寫此吾  
宗賢高厓挿天劍鉞直飛瀑殷地匹練懸水流山響窮  
吹萬宵默空際陳鈞天是絃非絃指非指與君膝上相  
迴旋君將膝上泠泠意灑向腕下如傾泉前臨高岬後

深谷行歌商頌聲淵淵詩耶琴耶兩莫辨識者爲爾操水仙

秋懷十二首

閒卧驚心歲月流朝來催換木棉裘霜華點野寒生渚  
海氣浸衣濕到樓隔寺鼓鐘憑報曉倒厓松栝不知秋  
卷簾獨眺冥冥雨一種濃陰帶遠愁

傍海風多雨亦多海天高獻慰蹉跎山藏豹影埋昏霧  
潮駕鯤身起怒渦半世交遊空意氣百年兄弟一滂沱  
男兒不獨身家感梁父吟殘續短歌

撫髀行當老是官尚煩朋舊問加餐詩來日下三過讀

謂峙帆蘭  
士諸君

信報刊江一笑懽

謂賓谷

幹濟古人原閉戶文

章當代孰登壇鄭虔此際從樗散馬援生平在據鞍  
袞袞諸公捧劍韜草間羣盜尚如毛洗兵待挽銀河下  
轉饒仍過玉壘高風外馬嘶頻踈足霜前鷹意欲離絛  
何當援筆供磨盾雪滿平蕪血滿刀

青冥斧鉞付汾陽萬帳降苗溥

賜糧火日燒空山箐黑瘴雲塞路水泉黃小車藥裏中  
書省元甲靈旗異姓王多少忠魂懽慰處果然干羽舞  
虞唐

苗蠻戡定又荏苒三楚連年震鼓鉦惡少數羣丸赤白

好官平日轂丹朱荆襄自古經龍戰樊鄧中宵到虎符  
漸喜封章都實奏科名端不負吾儒

天彭井絡勢紛紜獸集蜂屯合復分無數元戎親握槩  
何來孃子却成軍雨昏巫峽面箱陣日射夔關虎豹羣

花果園中哭都護翩然大鳥下新墳

謂花果園之戰

陝右傳烽過竹山蒼黃消息近商顏刼營驍將纓先結  
據隘書生甲自環組練三千新部部風雲百二舊函關  
定知虎旅從天下快掃妖氛唱凱還

種區狎猓幾豪酋警報滇黔驟數州文武江湘方論帥  
西南响叮妄稱侯三更墨騎圍堅寨一路紅旗達

御樓聞道苗民也辛苦至今輓運抵車牛

久將市舶作郊塵關吏今憂闕算錢哨卒空教懸什伍  
將軍其奈少樓船盧循就歛終爲賊徐福逋誅肯作仙  
黃浦濤聲秋萬鼓左編夜誦想荆川

北斗龍杓插坐寒時從天末望長安赤烏流火循鉤盾  
黑蜨翻波護井榦軒后法官仍玉璽漢家宣室有金盤  
詔恩已貸中涓罪

賜食還教遍從官

誰從海口問雲梯苦恨黃流不向西椿下梅花穿地肺  
渠分瓠子洩天臍江淮霜落鴻蒼澤曹單雷奔蟻潰隄



虔禮至今親版築

謂淵如方督治曹單之工

幾時河復洗鞮泥

漚波舫獨酌食鱸魚有懷諸故人三首

此來叢百悔鱸魚不吾負一燈照孤斟新烹出謀婦故

人困官高書來字輟醜汨於泥水間羨我安飯糗

淵如書意

醉中讀其書烏烏歌擊缶公等獨賢勞吾茲放於酒坡

公亦有言南來本爲口

歸田計難成此恨在士夫涼風到衣袂商量問蓴鱸

小

書意鱸魚故無恙逞味當霜初清泉沃翠釜通印滿腹腴

世人鮮知味却詆風韻殊安能損其真一笑子非魚吁

嗟人好詆常在名所趨

鱸魚漬爲鮓亦能致蘇杭雪膚久旋化俊味那可長詆  
之亦其宜猶如荔枝漿楓亭過三驛寧有風露香老妻  
分甕益封貯寄近鄉諸君在長安謂時帆琢堂并二何諸君何由得  
同嘗獨享愧一筯江湖迴相望

歲暮懷人六十四首

石琢堂修撰韞玉

君書至自揚州城書言削札付賈生賈生不來固其所  
病鶴安能借毛羽知君念我及妻孥病妻已健兒讀書  
問我官中何所作頗與諸生講時務

何硯農戶部元煥蘭土工部道生

大何一書意纏絲小何寄詩復連篇閨中鄭重念邱嫂  
爲報全家各安好城南驄馬弟先兄十載爲郎望益清  
外官紛紛鬧牙纛長得爲郎亦奇福

法時帆祭酒

法式善

昨朝府帖下急遞帖稱太學咨觀禮太學長官吾舊遊  
我今位卑承下流聞君寫得新詩句我亦將書末繇寓  
定知

講幄曉垂紳

時方有臨雍之典

轉憶周南留滯人

家儕嶠編修

蘇

當時送我春明門豈知君亦旋星奔弟賢我抱鵠原痛

母老君思魚鮓供書言虞祭事粗完衝寒北上麻衣單  
昔歲

殿前偕拜舞今日江湖各風雨

吳穀人侍讀

錫麟

一歲三遷忽自告南望白雲買歸權歸來恰奉太公喪  
始信嚙指心蒼茫偏親白髮仍須養渡江授讀心悲悵  
瘦羊博士君羨之

君贈行序中語

我今無羊瘦於詩

洪稚存編修

亮吉

東南風輩皆衰矣隨園書到身已死老蒼彫謝復幾人  
後來茫茫吾與君知君推擇授經席

闕下猩紅新岸幘華亭校官破襴袍別時寶帶猶在腰  
余出京雅存以帶勝贈別

孫淵如觀察 星衍

從來儻葛不可躡却作外官思自立來書有方面不能自立深羨寒醴得

自行其意之語昨者楚然到一書書言困劇疏河渠雲梯關前

尾間小支分塞決何時了作草匆匆附篆題時爲亡弟聽夫墓石

篆懸鉞倒薤森未齊

徐閩齋刺史 榮慶

十年浪宕困一第投筆從軍出奇計弇山尚書真古賢  
爲君奏薦留戎旃忽聞縛賊夾河洲隨輩擢階

賞賜優醉中撫髀自嘆嗒安得從君起殺賊

劉澄齋舍人

錫五

作詩苦恨公家辭意氣激發真男兒國門送我詩束筭  
只有君詩最淒緊肯藉曾餐肯怕窮蓬萊頂上美金童  
罡風吹墮紅塵底

君前由靈邱校官入翰林由翰林罷改今職

依然玉立高

歌起

馮魚山刑部

敏昌

翰林改官身向老乍哭其兒喪厥考細小滿室牀無羶  
星奔六月登漕船滿天風雪吳門渡過我留書述其故  
吾居海東君海南萬里相望空烟嵐

阿雨窻刑部

阿林保

人生相與在未見與君匆匆曾幾面傾囊助我心咨嗟  
老妻穉子如一家尋常挂笏想邱壑此日園林成獨樂  
君求園記誠不難計車吾且來長安

君嘗屬余  
爲適園記

秦小峴觀察

瀛

君初外出非吾意歲歲爲君憂吏事豈料君才故有餘  
頻頻奏薦邀當塗秋風忽漫思鄉土短札殷勤商出處  
破楚門西卽故關望中如畫九龍山

曾賓谷運使

煥

書來繼栗心鄭重副以新篇佐吟諷恢然詩有大家風

真氣蟠伏如長虹天下英雄困一飯次第從公祝如願  
夢中明月舊揚州不負此官須勝流

方葆巖刑部

維甸

海外歸來天一碧提兵又到天西極懸度欹橋熱索攀  
泥犁地獄幾間關津門邀醉清樽設茶熟香溫爲余說  
萬里堂均一瞥過却從平地見陂陀

家直菴考功

寧焯

今世古文有單銘

兼夫

君傳其說才孤標三李

懷民兄弟

稱詩

取寒瘦君亦傳之勿爲囿長安萬士視若無獨兄事我  
何爲乎與書不答意則那莊生遠憶哀駘駝



附寄詩

高密

王寧煒

直轄

勢驅河嶽氣騰雲馬與權奇鶴出羣敵國如吾避三  
舍皇天生汝霸斯文終教行遠誰堪託莫謂知希便  
欲焚持向崑崙最高頂千吟或有上僊聞

伊墨卿刑部

秉綬

衆中一見遽親厚相思幾載喜之驟君詩清婉殊有姿  
隸法嚴重張遷碑清卿謝病門如水  
太公雲  
林光祿日夜勤官  
讀書史計資近日當美除海濱無奈無除書

譚退齋禮部

光祥

當日相逢

帳殿前雕鞍駿馬身翩翩數歲相過九衢下貝葉金書  
意灑灑世出世間兩絕倫誰知公子真畸人珍重勤官  
需峻擢君作高官肯碌碌

嵩雨韭孝廉

嵩齡

清姿琢玉衆所詫豈識才高玉非價讀書但記古所云  
不覺眼底空無人君家去我十五里時來枉駕我倒屣  
長卿消渴近何如定知臨遍黃庭書

繆霽堂舍人

炳泰

彩毫寫得

真龍出當時

寵顧世無匹十年辛苦承明廬依然待

詔留中書比來眼纈小差否麟閣丹青在君手吁嗟吾

弟有生平庶肯追摹慰結纓

舍弟死於賊其遺像與裴齋俱燼相識中惟君善畫

故以書求寫一像聞君目疾甚劇亦恐未能

趙謙士給諫

秉冲

君來送我未之見留贈綈袍心戀戀我今薄宦寄君鄉  
見君猶子遙相望知君身在

唐虞際侍書

香案多新製疎雨梧桐禁省涼可能無憶孟襄陽

張亥白孝廉

問安

船山檢討

問陶

自古奇才必生蜀船山在今麟一角侍郎近葺湖海詩

寫君少作都付之

時余方錄船山庚戌以前之作入蘭泉先生所編湖海詩傳

阿兄

句法學老杜五言海內亦有數望中烽火劇三川短札

斜行讀黯然

得船山三月出京書言家口以三川烽火不能歸且往葬父并迎母來京

熊夢菴檢討

方受

君昔太公死於賊

太公觀察大名爲逆民段文經所戕

奮起發科登館職

生平作事致草草下筆天機自清好草堂夜課同剪鐙

解鞍留宿街鼓鑿別時贈我聚頭扇我怕元規軌障面

梁九山侍御

上國

少年得第歸讀書養親十載來天衢出常借車入修史

與人磴磴有條理昨聞登擢到南牀烏臺白筆明曉霜  
退之進學方自笑敢向陽城作嘲誚

李石農刑部

鑒宜

嗟余峭激君亦然君能勤官衆稱賢却憐同病心嚮我  
悲我一身纏坎坷近識進階當外擢千里思君寄商榷  
我輩清寒已慣貧安能鬱屈隨他人

傅篁山舍人

塗

假館與君同舍居深燈夜課何勤劬偕試春官亦同罷  
忽看君作鯢鵬化

乙卯榜發有尤者二人

旨重搜落卷擇取其賜中書君因是被選

兩番書到劇相思爲言迎婦來京師青綾直宿寒如水

勝我鞠躬丞簿裏

家蘭江刑部

祖武

文采翩翩決科早飽歷艱辛也蒼老廿年相與如一日  
短紙長言字疎密願君強食撥公私令妻壽母相娛嬉  
安貧自隸神仙籍莫羨一麾門列戟

趙味辛舍人

懷玉

羨我南歸訂偕隱君留嫁女需秋盡近聞女嫁成淹留  
五雲閣下雲籤稠鱸魚已過君不至我欲騎驢再登試  
讀君新著書滿厨却恐債券多於書

武虛谷大令

億

官之在身若懸瘤一朝潰去增我壽君自罷官勤著書  
其書所得非皮膚授堂金石疏證博要我序之我才薄  
海內紛紛考訂家如君老筆驅浮夸

玉筠圖大令

玉棟

君家藏書甲輦轂豈伊藏之實能讀讀書無伴苦相求  
襖被留君讀易樓

壬子君邀余爲讀書之伴時時襖被君家

樓前乍種梧桐

樹匆匆出宰山東去歸舟未得遠相尋半道留書寫我

心

君有書邀余紆道過其所宰之陽信縣余以舟程觸熱方慮間阻不果赴約

李墨莊舍人

鼎元

鳧塘中允

驥元

日下之遊先二李  
初識我逾一紀  
雙鳳齊飛入翰林

阿兄沉雄弟情深兄今改秩吟紅藥弟亦遷官粲花萼

我獨行搖原隰中寄言休別解西東

時二君析  
居京師

桂未谷大令

積

未谷此行一萬里此官一作安能止六十曾非少壯時

未知死別復生離天下八分誰第一錢泳

金匱錢  
立羣

於今

當繼出到處漚波泛宅居齋題畫舫見君謨

鄭貫亭工部

士超

廉州自古如荒蠻百年秀氣鍾魚山魚山頌君不離口

君辱好余兩親厚君前徒步今華軒屯亨有時難意論

春風青雀家人到有夢徵蘭早來報



魏春松刑部

成憲

往者京居但文債今此逋錢困旁貸聞中日月轉奔忙  
許君一文仍未遑君屬爲官舫視膳圖記君昔乘輅來讞案能拜  
吾親到江岸明歲懸知出剖符吾當手版與前趨

韓聽秋孝廉

崧

桂舫刑部

對

津門送我樂我歸

謂聽秋

謂言苜蓿堪充饑饑寒轉甚身

拓落爲報此官可不作

時聽秋亦有意欲求此官

嶺海歸來索我詩

謂桂舫

謂言外吏方難爲師儒何礙子姑去豈識儒官兩

難處

家鑑溪助教

綺書

卅年外宦階當遷忽求內補甘蠶鹽試場復出從期會  
年輩竟爲天下最君以乾隆壬申舉人官粵三十年以卓薦當遷拔牒乞內因復就試會試之士六千人其鄉科無在君先者兩番春試主君家假館殷勤更借車  
後約敢忘吾繼至祝君強健還同試

葉雲素舍人繼雯

一時才士何紛紛顛倒波磔講說文一書不讀攻朱子  
自詭康成當似此惟君篤行恂且莊讀遍傳注歸紫陽  
送我作書書用褚君集河南書作楹帖贈行奕奕銀鉤真媚嫵

張小令舍人曾獻

雪中墜馬長城嶺迴首十年彈指頃丙午春君主故大學士梁文定公余

主今大學士富陽董公從

幸五臺

冒雪偕度龍泉關余與君皆顛於馬下君歸累歲又京

華豁齒相看一笑譁

其後君以奉譁去京更數年復來余既齒脫而君亦復然各隨

常調命原屯霄漢聲華勿復論傷心此別殊今昔猶累

繞朝爲贈策

余秋室學士集

神仙有筆追古魂筆端洛女湘夫人當時累欲求君畫  
侵尋未果留空話宮館秋深接膝譚古槐涼雨似僧盦

海隅今作天邊思篋底重裝數行字

篋中尚有君書一幅

雷筠軒工部

維霈

草堂詩課我爲序爲君寫貌已如晤兩年同課設清樽

街櫟三更車在門近聞數子重高會舊侶存亡吾處外  
窮宦淒涼飯鉢身打窗風雪賦懷人

馮玉圃給諫

培

十年人海迹常疎訪我求題種竹圖竹性從來直如矢  
諷君莫負冠頭鴈君從文字見情親別後音書轉益勤  
秦蜀軍郵殊未了想見中樞勞制草

吳玉淞編修

雲

與君同困舉子場同舉君先入紫闥中書覆考增條格  
呈議翻邀

天語惜翰林本自門如水恬雅如君愈清綺臨行勸我

早著書常恐負君勵三餘

嚴匡山吉士

煩

年少英英才挺出六詔賢書名第一公車久困捷南宮  
鵬翼仍搏九萬風送我作詩兼頌嫂屬我寄書竟莫考  
聞君葛屨去奔喪滿路烽煙欲斷腸

楊西禾大令

倫

別後聞君頗失意五載相思無一字近說輕遊到蜀岡  
與君相失卻相望還聞奉檄黔山去峒寨橫戈隔烟霧  
珍重王尊叱馭心金沙江畔路歛歛

吳亦霞文學

善長

別時爾我皆年少五岳胷中一長嘯塵土銷磨二十年  
我今髮脫視茫然君參酒趣添文興傷酒還將酒爲命  
吁嗟如我困科場君雖棄舉計亦良

陳芝房學正

毓咸

垂老得官還得子晚遇如君亦堪喜一第歸來仍授讀  
西笑求分上丁肉我今不耐苜蓿盤尚思棄去游長安  
君官雖薄未可薄外僚賤辱真難作

錢立羣上舍

泳

篆印分書均寄我求我一詩我未果再書抵爾浙江湄  
游蹤約畧難具知吾家同叔今

賜葬礧石粗成方選匠已將葬記屬吳融要倩中郎寫

一通

方求穀人爲亡弟作葬衣冠記欲寄君求爲書之

莊義門山人存

毘陵惲畫爭新鮮人人自命爲南田君出其鄉異其派  
墨華水暈多生態六年假館每同餐四度塞垣偕跨鞍  
聞君晚境多潦倒我亦憂傷今歎老

董蘭塘大使家牋

君之畫竹吾有詩送君之官作文辭君在官中頗得意  
六載何無一書至我今求食君鄉土懷君粵嶠殊風雨  
記否春風海淀園馬纓花下共開軒

何雲峰判官

遠昌

君家父子好氣誼生死蒼茫了非意  
長安繼見孤且貧墨衰樂樂愁殺人  
于今數載音書斷况聞蜀徼多兵難  
往日交親氣概中傷心如我又塗窮

郭頻伽

磨

蔣秋實

因培

二上舍

二子相逢輒憶吾一雁飛來帶兩書  
我在吳門初卽次蔣生來過出非意  
迫冬日暮郭亦來入巷把炬柴門開  
少年才俊俱飄泊何處清游方岸幘

魯賓之

續

習之

嗣光

二孝廉

賓之有書如述志習之無信今何事  
二君承學治古文



獨守家法荒江濱竹林兩阮皆英特青浦侍郎亦汝憶  
昨蘭泉先生亦甚歎習之之才君求墓表我未成遠雁難憑空寄聲

程春廬孝廉

同文

吳蘭雪上舍

嵩梁

二君見我相後先往者作詩遂牽聯上舍清詞灑蘭雪  
孝廉筆力可屈鐵于今不見五六秋仍聞溝水東西流  
訛傳吳質緣情死雪滿程門比何似

程方主講  
淮陰書院

李涪江大使

秉德

吾家忘菴畫名久遺法孤傳在君手謫仙不樂住金鑾  
何況校書營一官

君前以畫供奉  
四庫館繕書隨輩

內廷已而薦爲  
敘官亦竟不出

十年鬻畚增家計歸卧山中伴松桂紙窗竹屋日長餘

爲我松伽寫一圖

顧莪庭郡丞

禮琥

君治漕河累膺薦三入長安凡再見我昨乘舟沛上過  
逢君持檄渡黃河近聞又上長安道我在海濱常阜帽  
君官漸起我益微印牀生綠將奚爲

施蒙泉大令

源

昔年同舍居京師歲暮同爲編爆詩今我淒涼居海曲  
獨聽四隣喧爆竹知君移病返鄉閭種秫無田只故廬  
書來苦道須乞食乞食差勝乞薦墨

蔣香杜上舍

棠

少作諸生皆好氣幾闕升沉一歔歔君今教讀不出鄉  
似官非官我儕荒當時輩侶多黃土得失區區安足數  
眼底悲歌我與君後來英絕又何人

朱研漁文學

克柔

生平游好無君舊弱冠翩翩各清瘦四十年華如掣電  
往事風花吹歷亂君才足了十餘人埋没人間稱幕賓  
喪婦懸知悲在腹出爲高堂謀半菽

張南溪太學

詒

吾困舉場君亦爾我雖一得寒如此差喜君登拔萃科  
無媒自進久蹉跎知君游屐今何處託鉢塵中冀知遇

漫刺求人不揀貧不如返樸更歸真

余伯扶孝廉

鵬年

君家伯仲俱異才仲也早逝

少雲鵬翀

悲蒿萊昨歲高歌燕

市酒殘冬又折吳門柳君今掌教在平湖輒向航船寄

我書一詩來弔吾弟死劍光離離出於紙

伯扶寄示所作亡弟殉節

紀事詩甚佳

吳秋鶴上舍

友松

舊雨難尋新雨去夜窗沉沉雨如注君雖託迹游諸侯  
援筆自寫胷中秋君詩幽豔詞悽婉如聽哀絲隨急管  
我在官中號背時如君遊道豈時宜

吳竹虛山人履

君貧却擁雙荷葉無以爲家出彈鋏昨君封札到松江  
鐫瓊篆印來雙雙爲告渡江依子固此公廓然殊大度  
東閣梅開興有餘莫忘寫韻寫爲圖  
竹虛爲余夫婦各刻一小印書言當往揚州就會運使之招時余求竹虛爲老妻作寫韻軒圖

范芝巖編修來宗

翰林所苦地清寒君有田園足養安馴雅文章見生趣  
世家門閥渾如故我懶無書閱歲時太公卒葬遠難知  
嗟君惜我身潦倒我有壘鹽便投老

陳桂堂太守廷慶

聞君困瘁亦良久兩月無書近安否與書不報誠以何  
傳來消息多淆訛諸公外出攪纏縛孫淵秦峴小各悔當  
時錯君已歸來足養親眼中奇福更何人

家蘭泉侍郎相

先生食粥逾二年性命文字猶拳拳巨卿自欲弔元伯  
拏舟久向吳門泊侍郎往治弁山尚書後事久在吳門一文矜慎屢愆期  
得失千秋心自知侍郎爲亡弟表墓藥成未付新春杖履知多福我  
過漁莊手親錄

淵雅堂編年詩藁卷十四